

Te whakamahere pikinga tūranga mō tō poari



He mea taketake te whakamahere pikinga tūranga mō tētahi poari.

Ka piki ake, ka heke atu ētahi mema poari takitahi, engari hei hinonga ā-ture, ka haere tonu tēnei mea te poari ahakoa ka panoni ōna mema.

Koia i hira ai kia whai mahere pikinga tūranga tō poari kia tukua atu te mana urungi o te kura ki ōna mema hou ahakoa te wā.

He aha tēnei mea te whakamahere pikinga tūranga?

Ko tēnei mea te whakamahere pikinga tūranga he whakarite kia noho mai he mahere, he hātepe rānei hei tuku atu i te mahi a te poari ki ētahi mema hou.

Ko tētahi o ana ingoa ko te "whakamahere whakakapinga", ko tāna, he whakaū tikanga e rere tonu ai te mahi a tō poari i muri i te wehenga atu o ōna mema.

He pai ki a mātou kia wāhia te whakamahere pikinga tūranga poari kia toru ōna wāhanga taketake:

- Te takatū
- Te rapu mema
- Te pupuru mema

He aha te wāhanga takatū?

Ko tā te wāhanga takatū he whakarite kia pai katoa ō pepa poari me te hōtaka whakangungu hei tautoko i ngā mema hou.

Mā tēnei ka mōhio ngā mema hou (ahakoa i pōtitia, i tīpakona, i tonoa kia uru atu, i kopoua rānei) kei te tautokona rātou, ka taunga wawe hoki ki ngā mahi.

Kua whai hōtaka whakangungu mema kē tō poari pea, ka taea rānei te kimi whakaaro mai i tā mātou tuhinga [te whakangungu mema poari hou](#) me ngā rauemi [Te Takatū – Te Whakamahere i tō Whakangungu Poari](#) i te Whare Akoranga.

He aha te wāhanga kimi mema?

E haere tonu ana te wāhanga kimi kaimahi, nā te mea he hira kia taea e ngā poari te tō mai me te kimi mema hou, ahakoa te wā.

Mā te whakatairanga i te wāhi ki tō poari me ngā mahi e mahia ana i roto i tō tūranga toru tau ka taea tēnei te whakatutuki.

Ki te kitea e te tangata, ki te māranga hoki ia ki te āwhina a tō poari mō te kura, ka tū wawe tonu rātou i roto i ngā pōtitanga poari, ka whakaae rānei tonoa kia uru atu ki tō poari.

Ko tā ngā whakawhiti kōrero pūputu e whakapakari i te whakapono ki tō poari, ā, ka noho hei mea taketake mō te tuituinga hapori.

Waihoki he mea nui kia kaha te whakaputa mōhiotanga me te whakaū tikanga e noho hou ai ngā taipitopito o tō poari, e wātea noa ana i tō paetukutuku.

Ka āhei hoki koe te whakatenatena i te tangata kia tae atu ki ō hui kia kitea ngā mahi whakaruruhau e mahia ana!

Kei tā mātou huinga tuinga mō te [tuituinga hapori](#) ētahi tohuāki mō te hono ki tō hapori.

Tēnā whakamahia ā mātou rauemi [Kōrari mō ngā Tāngata e Hiahia ana kia Tū Hei Mema Poari](#) i te Whare Akoranga hei āwhina i te tuituinga me te whakahihiko i ngā tāngata i tō hapori kia piki hei mema poari.

Arā hoki ētahi rauemi whakatairanga kei tā mātou paetukutuku [Pōtitanga Poari Kura](#).

He aha te wāhanga pupuru mema?

Ko tā te wāhanga pupuru mema he mahi kia noho tonu mai ō mema ina tae atu.

Waihoki, ki te mōhio tētahi mema poari kei te tautokona ia, kei te whakanuia ia i tōna tūranga, ka kaha kē atu pea tana piri ki te tūranga.

He mea taketake te whakatenatena hononga poari takatika kia mōhio tētahi mema poari kei te whakanuia ia i roto i tana tūranga, ā, arā ngā ara e taea ai tēnei e tō poari:

- Me kopou i te tangata tika hei mema arataki (heamana o te poari) nā te mahi nā rātou te mahi taketake ki te tautoko i te ekenga taumata o tō poari me te penapena i ngā hononga pakari.
- Me hanga ahurea poari hauora, ā, me kawē ngā mahi katoa kia whitikia e te rā, kia pūhia e te hau, kia pono, kia tika.
- Me whakatairanga i te huritao me te aromātai mutunga kore kia whai take ai ō hui poari.
- Me mihi ki ngā mahi o ngā mema poari takitahi, me whakanui hoki ngā ekenga taumata.

- Me whakatenatena ngā mema poari katoa kia kimi tohutohu me te whakauru ki ngā whāinga wāhi whakapakari ngaioletanga, whakawhanake tangata hoki mai i Te Whakarōpūtanga.

Ka taea hoki e koe te kimi i ētahi atu kōrero i te wāhanga [Te Ahurea & Ngā Hononga](#) o te Pūtahi Rauemi.

Ngā pātai pea mā te poari

- He mahere pikinga tūranga tā tātou i tēnei wā?
- He pēhea pea te āhua o tā tātou hōtaka whakangungu?
- He pēhea tātou e whakatairanga ai i te mahi a te poari ki tō tātou hapori kura?
- He pēhea te ahurea o tō tātou poari?
- E whakanuia ana, e tautokona ana tātou i ō tātou tūranga hei mema poari?

Ngā tauira, ngā rauemi me ngā tohutoro

Pāwhiritia te (ngā) hononga i raro iho nei kia uru ki ngā tauira, ngā rauemi me ngā tohutoro o tēnei kaupapa.

Kei te āhua tonu o tō pūrere, ka tīkina ake, ka tuwhera rānei i tētahi atu pūtirotiro.

He hononga mai i a mātou

- [Te Whakangungu Mema Poari](#)
- [Te Takatū – Te Whakamahere i tō Whakangungu Poari](#)
- [Ngā Tuituinga Hapori](#)
- [Kōrari mō ngā Tāngata e Hiahia ana kia Tū Hei Mema Poari](#)
- [Ngā Potitanga Poari Kura](#)
- [Te Ahurea & Ngā Hononga](#)